

դէմ այցելած ու ազատած է ասյն հայկական վանքերը որոնք գրաւուած էին յոյներէն, և որուն խնդրանքովը Անաստաս վրդ- գրի առած է Երուսաղէմի Հայ Վանօրէից Ցուցակը:



Ժ Զ

ՁԻԹԵՆԵԱՅ ԼԵՐԱՆ ՎՐԱՅ ԱՆՍԿԵՐՏԱՐԱՆԻ ԵՒ ԲԼՐԻ ԵԿԵՂԵՑԻՆԵՐՆ ՈՒ ՎԱՆՔԵՐԸ

1. ՈՐՈՂԲ ԵՆ ՁԻԹԵՆԵԱՅ ԼԵՐԱՆ ԲՐԻՍՏՈՆԷՎԱԿԱՆ յԻՇԱՏԱԿԻՆԵՐԸ .

Ձիթենեաց լեօը, որ երեք բլուրներ ունի, կը գտնուի Երուսաղէմի արևելեան կողմը: Կեդրոնի հեղեղատը կը բաժնէ Երուսաղէմը Ձիթենեաց լեռնէն, որ Երուսաղէմէն հեռի է, ըստ շաքարու աննսպարհի (Գործք Առաքելոց, Ա. 12), այսինքն երկու հազար քայլ հեռաւորութիւն՝ ուրկէ պէտք չէր որ Հրեայք շաքաթ օրը անդին անցնէին: Մեր Փրկիչը յաճախակի կ'այցելէր հոն աղօթելու համար: Իր վերջին գիշերը, կը գտնուէր նոյն լեռան վրայ: Ձիթենեաց լեօը, շատ կանուխէն, ձիթենիներու անտառներով խտացած էր, բայց այժմ մերկացած է անտառային գեղեցկութիւններէն. իր բլուրները ելեւջներով զառի վերներ կը կազմեն. առջևը կը տարածուի Երուսաղէմի համայնապատկերը: Մեռեալ Ծովը, Յորգանանը և Մովարի լեռները հեռուէն կ'ըմաշեն զմայլելի տեսարաններ: Ան Յիսուսի սիրած մէկ լեռն էր. հո՛ն հրահանգեց իր աշակերտները՝ զօրացնելով զանոնք իրենց կոչուովն մէջ: Նոյն լեռան վրայ կատարուած քրիստոնէական խորհուրդները կը պարփակուէին հետևեալ երկու յիշատակներուն մէջ. նախ, աշխարհի վերջին ժամանակաց գաղտնիքներուն՝ Քրիստոսի աշակերտաց խորհրդագրածութիւնը (initiation), ապա